

四庫全書

集部

欽定四庫全書

雙溪類稿卷四

宋 王炎 撰

古律詩

春日叢桂書舍偶成二首

江潭所作

芳草青青書掩闌  
倦游心緒歎重山  
寒生怪雨盲風後  
春在斜陽暮靄間  
杜宇勸人歸小隱  
桃花笑我欲蒼顏  
腐儒未解謀生理  
魚蠹陳編不自閒

簷頭燕子話新晴  
客裏春來何似生  
短榻曲肱眠未穩

好花刺眼笑相迎，生憎重碧盃中物。  
懶趁踏青江上行，燕坐俯然有佳處。  
耳根更聽讀書聲。

用前韻答彌明聖言二首

清晝渾無客，攸闕不知春色滿。  
溪山少年側目雲霄上，今日藏身翰墨間。  
揮麈逢君談世事，舉杯為我變衰顏。  
歸來更倚繩床坐，賸得勞生一日閒。

游絲落絮弄春晴，挽我花邊喚麴生。  
挈榼在門驚剝啄，褰裳出戶喜逢迎。  
小園曲折藏三徑，暇日從容共一行。

且復解頤談袞袞聖賢深處不容聲

再用前韻荅繼周丈二首

雲路鵷鴻度九關誰知霧豹隱南山追懷先世交朋舊  
幸拜英姿丈席間歎我壯年猶白髮知公有道養朱顏  
運斤肯試成風巧當許摳衣侍燕閒

士女春遊喜得晴焚香燕坐太清生遶枝烏鵲如相語  
排闥青山不待迎倦客琴書來寓處前人杖屨昔經行  
平生父黨惟公在發藥宜聞磬效聲

家僕來叢桂告米粟不繼

來時花柳未全春，燕子將雛已夏深。  
破鏡望中占遠信，廢戍歌裏有悲音。  
青衫得祿猶彈缺，白髮欺人欲上簪。  
築室買田謀小隱，探囊何日有黃金。

書舍遣興二首

意裏謀功業，閒中度歲年。  
詩囊渾漫興，酒榼更無緣。  
久客荒三徑，歸耕欠一廛。  
懶扶藜杖出，回眼入陳編。

山好晴邊出風微雨後涼憑欄幽鳥語步屨草花香塵  
事何時了浮生有底忙此身垂老大不自決行藏

即事

桑盡蠶皆繭稔成麥已秋山雲翻黑雨溪樹沒黃流紅  
粟方翔貴蒼生未病瘳茅茨烟不起飽飯得無憂

賀吳繼仲母氏生日

青都仙子玉鍊顏五雲深處乘青鸞桃花欲實王母老  
桂花半落嫦娥寒芝英瓊蕊薄滋味絳霄倒景窺人間

風微水麝香可掬雨定海榴紅欲燃中州風物亦自好  
翩然萬里來雲輶潭潭院落春不老別有日月藏壺天  
狡狴不動烟縷直吹笙伐鼓開賓筵九重紫誥照環佩  
兩兒綠綬扶金船南山可平海可竭高堂歡樂無窮年

清化寓居

委巷何深僻僑居太寂寥古牆行絡石喬木上凌霄賦  
就貧難逐詩成隱莫招固窮吾輩事心地要逍遙

秋旱得雨

下田出龜兆高田半黃埃禾穗槁欲死益以蠹賊災鉅  
鼓競禱祈民病神所哀劃空走笈電隱地鳴怒雷雲將  
為前驅頗送甘雨來老穉喜欲狂稍覺生意回雞豚賽  
秋社屈指篤新醕米價免翔貴我亦懷抱開涼聲達松  
梢披襟可徘徊執熱汗如雨得此亦快哉短歌當此謠  
因以侑一杯

夜坐偶追悼緒哥不覺流涕因以絕句寫其悲  
三年娠孕疑希有千里鄉關不共歸旅殯新墳今宿草



西風老淚更沾衣

除夜官舍獨坐

此以下潭州所作

半世更憂患微霜入髮邊  
旅懷尊有酒官况客無氈  
故國踰千里浮生又一年  
遙憐小兒女今夜話燈前

到城南園瞻南軒先生遺像

入門荷香淨步履柳陰濕  
欲寫情鬱陶翻引興蕭瑟  
瞻望堂中人玉色而山立  
六學妙經綸未試百之一  
身存天下望身沒海內  
惜此道付誰傳丹青但陳迹  
樓邊好

山近竹底涼風入  
兩鶴韻亦高  
導我轉湖側  
獨游何太清  
滯念亦可釋  
門闕莫返鎖  
願言日散策

用前韻荅彪講書

薄游城南園  
墮曉衣袂濕  
斯人既騎箕  
有客猶鼓瑟  
凜然氣如生  
可使懦夫立  
當時道義交  
彪子居其一  
嘗試問所疑  
傾倒無吝惜  
逝者不可作  
往訪杖屨迹  
欲返更徘徊  
遠岫邀日入  
緬懷經世心  
伐輻置河側  
立朝道不容  
憂國意難釋  
敢負門下知  
晨夕自警策

送李侍郎歸衡州二首

繫纜南風直轉拖北風微輕雲載雨來涼意生綵絳江  
神真解事穩送六幅蒲蓬窓卧胡床鷗鷺相追隨落帆  
衡陽岸新舊迎公歸兒童競挽袂父老前捋鬚明時有  
勇退晚歲善自頤稍添數髭白不改兩頰朱松菊對王  
人亦自清而腴門外無車馬室中但琴書青鞋時出遊  
不用藜杖扶儵然萬物表意得樂有餘乃知上要津不  
若還幽居

道重物自輕心清內無慾未定胸中見難行天下獨冠  
蓋上青雲著鞭競馳逐南山有德人一笑遺寵辱歸然  
殿諸老足以鎮浮俗一出上禁林再出擁牙纛本無圭  
組累歸去便野服譬如山中雲潤澤滋草木未雨出崑  
岫已雨反幽谷明月共樽壘清風滿松竹問誰從之游  
韋編能熟讀人生了婚嫁意願何時足儻肯割半山誅  
茅從卜築

和謝安國求硯

靈均葬魚腹賈傅問服臆  
挽我來訪古窮鬼信有力  
敢恨客羶寒私喜無吏責  
稍稍集韋布時時論文墨  
濯纓湘水清拄笏湘山碧  
陶泓耐久朋笑我玄尚白  
今代謝叔源人物居第一  
詩來招石友願費黃金鎰  
冰絲固希有霧縠亦罕得  
何以報明珠更覺意羞澀  
回首歛溪上寂寞子雲宅  
當求玉堂樣特來獻詞伯  
胸中五色絲一用可華國  
視草湏若人攜之上文石

和謝安國韻

虎豹嗔人上九闕不妨拄笏看雲山家聲元是封胡後  
人物還如晉宋間解組聞公真有意折腰顧我亦何顏  
故園無地開三徑敢說歸耕是等閒

送謝安國歸清江

軒冕喜而憂山林靜而閒寵辱皆妄事請看槐夢安世  
人悟此少低頭縛微官足跌尚欲趨翼倦不肯還謝公  
湖海士着眼高塵寰心如玉壺冰當暑氣自寒懷璧不  
願市懶上青雲端親朋勸之仕晚出彈其冠未令據槐

廳亦合登蓬山造物拙用大束帶來侯藩掉頭厭多事  
袖手思故園眉間已黃色鏡裏猶朱顏家住玉筍西別  
有壺中天千畝稻秫肥三徑松菊繁妙得詩酒趣小作  
杖屨緣鴻飛霄漢外蟬蛻塵埃間我方自窘束仰屋坐  
長歎欲仕苦無津欲歸苦無田野鹿念豐草老驥困短  
轅終當抱琴書從公掩雲關

題王倅來泉

寒泉一竇行儲渠日夜輸來為納湖荷花菱葉並籬落

平分十頃青玻璃錫山老湫暗流注此泉疑自玉龍吐  
問公泉中何所有明月可弄不可取

又題巢林

闌闌深居似林谷緣坡手種青青玉市聲不向耳根來  
蒙密中間深結屋鷓鴣但願巢一枝鸞停鵠峙意何如  
青雲千級風在下飛翰穩去摩天衢

過浯溪讀中興碑

日光玉潔元子辭銀鈎鐵畫顏公書百金不憚買墨本



摩挲石刻今見之猗那清廟久不作其末變為王黍離  
春秋一經事多貶魯頌四篇文無譏漁陽擊鼓入潼華  
公卿徒步從六飛朔方天子扶九廟京師父老迎于麾  
紫袍再拜謁道左上皇萬里旋鑿輿北雞鳴晨有悍婦  
孽狐嗥夜有老奴扶桑杲杲未翳蝕但歌大業吾何疵  
首章義正語未婉前輩不辨來者疑正須細讀史克頌  
未用苦說涪翁詩許張勁節震金石李郭壯武如虎貔  
斷崖蒼石有時泐諸公萬古聲烈垂天憐倦客有所恨

雨濕江寒催解維  
神州北望三嘆息  
翰墨是非何議為  
和趙行之三首

未暖柳梢綠已暖花梢紅  
胸次有天和本與春意同  
士戒溺於慾物忌居其雄  
西山有理窟一室惟清風

二

義利毫髮間其末分舜跖  
葛藟多攀援喬松但孤立  
陽鱈貪芳餌鷓鴣雜食竹  
實知道貴含光露牙多名敵

三

轉嘆有觸諱拭面或逢嗔劄心踏風波未免悔吝生  
葵猶衛其足况此千金身山林本逍遙無虞莫從禽

湘中雜咏十絕

朝陽崑下暮雲冷冉水磯邊秋樹深欲弔元和柳司馬  
溪山無力挽歸心

江樹踈踈兼密密雲根怪怪復奇奇風光冷落無人問  
付與漁翁理釣絲

昨日北風頻打頭今朝風定却安流江山如畫供詩眼

陰雨無端釀客愁

有懷冉水柳司馬更憶浯溪元道州仕宦兩公俱落莫  
斯文千古共傳流

順流鳴櫓不論程上水開帆取次行逆順自從人意轉  
風生波湧本無情

江天雲暝雨垂垂日暮移舟口岸時拈筆欲題還袖手  
細搜摩詰畫中詩

中流四顧浪花平雙櫓夾船鵝鶴鳴欸乃聲中山水綠

不妨緩緩計歸程

蕩槳妨人擁衲眠蓬窗細雨濕炊烟江神念我怯行險  
收却風波穩放船

江頭昨夜雨何似新漲平漆一丈強倚棹穩如天上坐  
順流明日到衡陽

舴艋輕輕載短簑蘋花風急起滄波憑誰喚取玄真子  
更作湘中漁父歌

秋懷二首

鏡中忽忽老侵尋  
政坐文窮自陸沉  
獨對西風搔短髮  
欲謀小隱背初心  
江湖鴻鴈天將冷  
籬落黃花秋又深  
拄笏看山聊爾耳  
懶彈綠綺索知音

榻來雲夢澤南州  
風物蕭蕭兩見秋  
三徑草荒真左計  
一官水冷更何求  
莫招毛穎論時事  
且喚麴生澆客愁  
短艇輕蓑良不惡  
此心何敢負江鷗

游岳麓三絕

湘山湘水極清遠  
特地來登百尺臺  
不盡胸中丘壑意

又從沙尾喚舟回

百級蒼珉到佛宮  
汲泉煮茗聽松風  
不須騎鶴摩雲去  
只要心游碧落中

山椒却立小遲留  
欲傍江山洗客愁  
不覺憑高來遠念  
此心潛與水東流

冬日書懷四首

治身如治玉所貴無瑕疵  
玉美不願市身修豈求人  
生為糊口乃爾斂板趨漸失  
兩鬢青莫浣雙袖緇勿用

懷不平張急聲易悲

齏鹽雖淡泊義理極雋永士唯知此味未語已相領同  
流有溜澁何用勤造請不敢眼青白口諾心未肯平生  
環堵中三徑自冰冷

客來倦捉塵客去徐挾書兒曹厭官冷數問何時歸豈  
知庇風雨未辨蝸牛廬老我懷百憂又自一解頤雨流  
木偶行久矣無定居

結茅綠陰下四壁但圖史時亦有好事相過欵名理捨



之學官游蓬轉不自已宜無山水音塵埃被綠綺幽夢  
遶雲溪拏舟弄清泚

雪中官舍獨坐聞薪炭翔貴因成長句

天寒吹墮一尺雪官冷釀成千斛愁酌酒到花非所欲  
束薪如桂若為謀風前鶴氅誰攜策江上漁蓑自艤舟  
憑仗六龍回日較稍分輕暖到南州

蕭參議雪中宴客朱僉判有詩因次韻

飛花落絮自何來勾引詩翁酌梓壘濯鼎有冰宜煮茗

攜筇無路可尋梅  
江城瓊玉踰千頃  
古錦珠璣溢百枚  
聞道夜闌車馬散  
難窺霍肇御風回

不慣長安曳履游  
貪看冰柱滿簷頭  
素花一色如梅嶺  
碎玉無聲欠竹樓  
蠟炬欲殘方夜水  
金釵半醉自春浮  
無羶獨坐君知否  
也捲陳編索酒舟

和林寶文鹿鳴宴韻

材如杞梓總堪論  
氣壓龍媒定躡雲  
畫戟凝香供張飲  
彤墀射策待方聞  
月中折桂雖堪喜  
馬上看花未足云

憂國愛君伸素志始酬勸駕意殷勤

和林寶文喜雨

山椒靄靄暮雲徂一雨翻盆物盡蘇父老相逢笑相語  
今年和氣舊時無

豐年謠五首

滿箔春蠶得繭絲家家機杼換新衣五風十雨天時好  
又見西郊稻秫肥

縱橫南陌接東阡婦餉夫耕望有年前此丁黃飢欲死

今年米賤不論錢

洞丁徭戶盡歸耕  
篁竹無人弄寸兵  
要識一天恩德廣  
黃雲千里見秋成

睡鴨陂塘水慢流  
離離禾稼滿平疇  
共言官府催科緩  
飽飯渾家百不憂

稻如馬尾覆溝塍  
桑柘陰中雞犬鳴  
收穫登場便無事  
輸租人不入州城

和林寶文吹暑軒二絕

木末長風送雨來  
田家遠近稻花開  
披襟燕坐黃堂靜  
一笑江山爽氣回

藕花香裏畫船橫  
人靜惟聞洗玉聲  
四野清平公燕喜  
隱然方面有長城

再和林寶文三絕

要知好雨自何來  
和氣連雲撥不開  
廊廟為霖須妙手  
即着力幹大鈞回

千里山川含秀色  
四郊雞犬散歡聲  
更呼屏翳從願旨

潤澤無邊浹屬城

陽開陰闔四時更誰解均調玉燭明  
畫戟香中沛恩澤  
祥風甘雨自流行

李閣學挽詩三首

代林寶文

物望推耆哲歸然可鎮浮  
莫年登近侍再起殿南州  
不樂分銅虎方期杖玉鳩  
胡然歸未久仙去杳難留

二

止水中心靜浮雲外物輕  
行藏無悔吝存沒備哀榮  
士

類思前輩朝廷失老成衡湘人物盡念舊若為情

三

頻歲仍饑饉三湘要撫綏分憂承帝命遺愛結民思自有藥公社何須叔子碑若書耆舊傳清德不磷緇

魏丞相挽詩三首

代林竇文

士論崇高節宸心眷樸忠調元纔玉鉉均佚即琳宮補衮嘉謀密平衡道揆公惜哉當國淺不及究成功

二

冠劍青雲士艱危孰奮身向來持漢節徑去犯邊塵既  
用公為相方知國有人凜然生氣在端合畫麒麟

三

衮繡遺三事松梅共一川小溪空勝景先隴忽新阡上  
悟流言妄人思舊弼賢忠嘉雖削橐合付殺青傳

黃致政挽詩二首

後學資模楷先生久里居兩兒聯玉筍三命佩銀魚米  
廩無重席蓬山孰校書如何遺此老宰木遽蕭疎



二

祿養更迎侍消搖介壽康壯圖雖偃屈潛德竟輝光可  
惜今埋玉無由自奠觴他年觀上冢千騎擁龍岡

賀東宮誕辰

代林寶文

萬國乾符正千齡鼎祚長春祺膺眷顧甲觀肇休祥紫  
極聯前曜青宮位少陽五雲凝喜色重日爛榮光繼體  
臨崇福承顏侍未央犀簪羣后表象輅兩宮旁氣接金  
行爽天開火德昌慈皇年有永大帝壽無疆欽愛誠彌

篤溫文德自彰喬枝方疊蔭瓜瓞寢垂芳儲禁銅扉肅  
官僚玉佩鏘旌麾張十戟筍簾列三相恭命來南紀馳  
情望左坊也叨持虎節莫預獻鸞觴海潤涵羣彙霞騫  
映四方願言申戩穀夷夏仰元良

和王右司游南岳得晴

笑披鶴氅上坡陀風籟無聲日氣和絕頂瓊瑤蒙竹樹  
上方宮殿隔藤蘿雪花夜墮方如許天宇晨開豈有他  
一點春陽溫厚意積陰消釋自無多

和蕭參議游岳麓八絕

登臨須返意須留  
目力無邊不着愁  
收拾風光歸古錦  
千岩萬壑獻清秋

逐客當年出帝鄉  
不容蹤跡到黃堂  
蒼崖屐齒今安在  
公獨懷思未忍忘

凭欄落照俯江天  
睥睨詩翁翰墨傳  
試為江山重著語  
筆端桃李恰爭妍

泉遶雲根玉雪清  
蒼珉百級可階升  
汲泉煮茗松風起

誰識無塵有髮僧

清風峽裏水清冷不但琮琤可靜聽  
秋桂秋蘭在深谷  
更堪鼻觀挹幽馨

每到精廬即少留品題清境甲湘州  
游山脚力猶強健  
緩步曾登最上頭

蕭寺相望湘水西談玄誰解析精微  
聖門自有超凡地  
懶向林間問衲衣

近來曾與二三子準擬誅茅紫翠間  
老石摩挲堪篆刻

恨無筆力記西山

和王右司游南岳三絕

懶跨狨鞍趁曉班  
却穿蠟屐小游山  
山頭草木生光彩  
玉節曾行紫翠間

喬岳雄於楚粵間  
衆丘迤邐釀高寒  
青藜拄到雲霄上  
見得心如眼界寬

祝融獨秀壓羣峯  
登覽雖終興未窮  
人物與山爭峻特  
也宜班爵視三公

林寶文生曰

乾健運元氣斗杓默回旋千歲生一聖半千生一賢間  
世有異稟天意非徒然皇極在人心俗學無自得天意  
興斯文公獨抱深識微言發緒餘河漢浩無極士氣久  
不振罷軟無剛風天意眷吾君公獨奮精忠雷霆不能  
驚正色櫻神龍膏澤不下流閭閻有憔悴天意佑斯民  
公獨蘊慈惠春風小披拂萬物回生意既賦以全德必  
益以壽祺其顏如渥丹天意可測知再拜上黃堂一洗

金  
卷四  
玉屈卮戩穀既鼎來何以致祝辭在外守麟符十連蒙  
寵綏在內調金鉉四海無憂虞邦人丐公留天子遄公  
歸臞儒願控鶴雲路從先驅

和王右司回鴈峯韻

宦途多遠游王事無寧居人生亦何求意足即有餘候  
鴈到衡陽不肯更南去達人識其幾青雲首回顧不受  
寵辱驚進退皆裕如平生金石心此詩豈欺予田園歸  
去來千載淵明語妙句當並傳來哲定深許

送王右司移江西憲

日邊好音來繡谷移輅車九重寄視聽四牡煩詢咨才  
德難兩全有即時所須平生經綸學豈異蓄乃嗇施底柱  
閱頽波去就難招麾湘濱督飛輓未曾費符移舉鞭有  
流錢民瘠亦自肥攬轡不可留父老結去思星臺照芹  
水寒士增光輝心旌遠門闌意往身繫維叱馭豈憚行  
願言謹馳驅遙知章貢上喜色生里閭舊聞珥筆風家  
有城旦書公行將直指淑問如臯蘇桁楊無幽枉雨露



皆沾濡東望尺五天入覲聊假途善類望主盟至尊渴  
謀謨正須畫麒麟未用思尊鱸

和馬宜州卜居七首

卜居

一丘一壑胸次來在市廛結廬只恐飛騰燕領未容袖  
手深居

足堂

身外成虧萬事人間寵辱百年絲毫不挂念慮一榻清

風晝眠

復齋

哲人慾不喪道昧者是難勝非學貴復之不遠在知心  
體危微

退圃

爭利慾心汲汲爭名私智間間公獨退身一步靜中着  
眼回看

欣欣亭

卉木俱含喜色日迎杖屨床前晚秀早芳相續四時留  
得春天

冰雪軒

史君甚愛竹弟欲與渠為二難歲晚青青玉立不須俗  
眼同看

白蓮池

處士幽居安在荷花十里西湖無謂一池褊小以人為  
重何殊

九月到白石先妣塋所

此以下自長沙歸鄉所作

不瞻宰木過三年霜露淒涼倍愴然  
馬鬣但驚荒宿草  
龜趺未辨表新阡平生鍾釜空遺恨  
舊物枵棬半不傳  
鴻鴈差池風雨急吞聲清淚徹黃泉

次韻胡元龍攜詩相訪

杜門度永日蒼苔生柳陰  
歌枕喚黃妳頽然厭披吟  
剝啄來者誰一笑逢知心  
試歸與婦謀無酒堪共斟  
解頤只玄談清風拂衣襟  
奚囊出妙語戛玉而鏘金  
為公歌

數詩絃以綠綺琴歡伯舊有盟可寒猶可尋

丙午中秋夜

玉斧經年不暫閒脩成今夜月團圓老蟾是處光皆滿  
飛鵲如予意未安免與朋儕爭翰墨聊呼兒女具杯盤  
飲酣尚起飄然興欲訪羣仙到廣寒

次韻李仲永攜詩相別

將赴臨湘

李侯人物極清真氣似靈犀可辟塵平日論心思益友  
而今刮眼見詩人有官墮在兼葭境為政恐無桃李春

撫字要須寬猛濟誦公佳句合書紳

和至卿敘述三首

長年英氣易消磨窮達其如有命何進德要須涵養熟  
讀書不在見聞多揮犀歛曲思君話烹鯉殷勤約我過  
鏡裏素絲侵綠髮着鞭聖域莫蹉跎

木偶漂漂無定蹤歸來依舊嘆途窮與君趨向元相似  
涉世行藏畧不同縱使寒松生澗底也勝澤雉蓄樊中  
一丘一壑平生願他日俱為桑苧翁

襟期難與俗人論擺落浮名莫絆身妙理自能中酒聖  
清談不肯問錢神世情一任手翻覆此道元如肘屈伸  
隱約形容不枯槁祇應胸次有陽春

和至卿述懷二首

管城脫帽即詩成尚挾琴書困筆耕自可追風千里去  
何妨警露九臯鳴心於外物無榮辱身與虛名孰重輕  
醉裏工為青白眼定應阮籍是前生

老氣軒昂驥躡雲丘園盤薄不求聞詩方平淡如摩詰

人亦清真似右軍無以為家那得爾幸哉有子不徒云  
鳳雛自是堯廷瑞翰墨場中早策勲

弔禰正平

并序

此以下臨湘所作

蜀人韓毅伯游武昌作詩弔禰正平專詆黃祖祖不  
足責其言蓋有為而發也昔孟子謂盆成括小有才  
而未聞大道則足以自殺其軀正平未免坐此就東  
京人物論之郭林宗徐孺子黃叔度之樊墻正平未  
能窺也乃書數語述此意



曹瞞忍殺楊德祖不敢復害禰正平區區黃祖雀鼠輩  
乃以嬉笑生五兵才雖可愛亦可忌人間險過羊腸路  
不鋤驕氣禍之媒祖也不仁衡未智黃鶴樓前江水平  
鸚鵡洲邊春草青憑君酌酒弔孤塚古來賢哲非貪生  
處士一死泰山重文舉一死鴻毛輕

和韓毅伯知命

春風盎盎杯中酒流水潺潺膝上琴箇裏有人真得趣

槐安一夢莫關心

和韓毅伯求鹿皮韻

文豹以皮斲以肉鹿兼坐此命難贖梅花膚革充鞞材  
人恰跣行畏傷足

次韻韓毅伯病瘧

胸襟玉氣吐長虹扶老猶須藥物功示病維摩非實相  
戲人瘧鬼助文窮筆頭排悶詩千首甕面消愁酒一中  
無悶無愁始安樂此身何日不春風


次韻韓毅伯謝人惠茶

一線金沙泉脉來官焙初香春未雷雲龍小餅到天上  
露芽濯濯千宮隈縑緗空滿石渠閣鴻漸經成方有託  
喚作酪奴真薄夫雪乳雲腴何可無哦詩舌本費澆灌  
畏遭水厄徒拘拘豈知佩印乘軒客醉飽犧尊羊鼎側  
要試江山第一泉紫鳳盤旋蒼壁圓書生品味惟三九  
性自嗜茶如嗜酒

和韓毅伯述懷

洗琰從容對聖賢笑談未了意悽然折腰我既慚陶令

肆志公宜學仲連三沐三熏嗟已晚一觴一詠樂餘年  
人窮愈甚詩方好留取珠璣向後傳



雙溪類稿卷四

欽定四庫全書

集部

雙溪類稿卷五至七

詳校官庶吉士臣吳烜

主事臣呂雲棟覆勘

總校官進士臣朱銓

校對官學正臣翁樹棠

謄錄監生臣任銜堂

欽定四庫全書

雙溪類稿卷五

宋 王炎 撰

古律詩

次韻韓毅伯趣諸先輩送茶

脫腕符移日旁午魚眼浮香湏一煮客來捧腹共軒渠  
暫時撥置官文書喜客恨無鮮可擊滿盃脫粟飢時喫  
睡魔不待巧擠排雪花小啜清風來人生何苦浪馳逐  
但得所求心自足意在春風曉露邊愛惜一旗輕萬錢

碾破雲龍還不飲灑灑金荷扶玉筍渠方醉魄甘沉迷  
我自詩情要勾引

再用元韻因簡縣庠諸先輩

書生卯飯動及午薑糝菜絲煩自煮異時甘脆屋渠渠  
出自空腸千卷書竹間杵臼相敲擊茶不療飢何苦喫  
泉新火活費裁排呼奴更挈銅鑿來蜀客見之心逐逐  
暫借紙窻休繭足歸歎家在淮湖邊草魁可買無青錢  
不辨雲腴供粥飲空有東詩如東筍青箬小分鷹爪香



江上拏舟當遠引

和韓毅伯擬別

踉蹌揖客客為誰  
依舊驪珠色  
陸離不謂遠  
遊來此地  
未能小隱待何時  
慣看覆手仍翻手  
休問開眉與皺眉  
歸去淮山訪猿鶴  
清風滿袖自披披

江上為韓毅伯訪得使舟

銅墨纏腰雪上頭  
人生一飽亦難謀  
天明忽暗釀梅雨  
風暖又寒催麥秋  
老矣不堪時節換  
粲然方幸故人留

白雲呼去淮山住強為江邊問買舟

再用元韻二首

牛千蹄角橘千頭嘆息斯人善自謀文氣如虹徒貫日  
筆耕有穀不逢秋悠悠何啻十年別得得纔為一月留  
女嫁男婚吾未了夢隨鷗鷺學操舟

倦游莫忘大刀頭老去行藏要熟謀少病若能如萬福  
上書安用學千秋碧雲合處來何緩黃鶴飛時挽不留  
後夜月明烟水濶更呼兒輩洗瑤舟

次韻韓毅伯誌別

江頭三老風檣急詩叟欲行還却立剛腸不解兒女悲  
肯為別離襟袖濕翰墨場中空白眉宦游不遂休奔馳  
平生訥室有秘訣持以贈君君可歸靜而無譁氣方定  
清而寡慾心自正耳根毀譽等風波眼界枯榮俱泡影  
得此還家雖退藏被褐懷玉中含光踏破青鞋行萬里  
猛省昨非今近是但看污漬有靈龜莫道蹄涔無尺鯉

次韻韓毅伯別許宣教

自說羈懷老更慵  
淮山入夢碧叢叢  
一尊醺醖人將別  
三疊陽關曲易終  
此去若無鴻鴈信  
相望未免馬牛風  
耕雲釣月平生事  
我亦謀歸古歛中

題岳陽守張仲駿浮光亭

三邊水墨畫遙山  
下有玻璃萬頃寒  
蟾兔上時留倒影  
魚龍無處動微瀾  
舊來樓觀東西出  
未覺乾坤表裏寬  
更向上頭高着眼  
湖光今作一杯看

又題月臺

天心湖面月團圓中着胡床坐廣寒玉鑑照空無盡境  
冰輪碾水不生瀾搥成兔藥人難老舞徹霓裳夜未闌  
願躡兩鳧陪鶴駕從公飛到九霄看

縣圃黃梅半墮草間

荷鋤芟草喚畦丁手拾黃梅遶樹行結子青青隨雨老  
開花白白本冰清嘗新爭擘紅泥酒知味誰調玉鼎羹  
齒軟眉顰遭棄擲誤從雪裏競欣榮

招同官諸宣教一飯用舟字韻成拙句

士要飛騰及黑頭肯來揮麈試同謀已攜荷葉招歡伯  
莫笑花枝欠杜秋老我餘年思釣渭諸君他日合封留  
胸中器度須深濶江漢方行萬斛舟

飲闌月上不能留客再成一篇

綠幄陰深數樹梅胡床相對手行杯茫茫世事愁眉斂  
疊疊談諧笑口開欲把清風留客坐更呼明月出雲來  
咄嗟難辦厨中具興盡翩然命駕回

居民多疫為散藥

不信醫方可活人但隨巫語去迎神憑誰妙手如和緩  
調護江臯萬戶春

聞田家插秧已畢

聞道田家日夜愁黃雲白雪不全收稻畦插遍青如染  
滿望今年倍有秋

偶行後圃成三絕

繁紅飛盡綠成陰更有忘憂草色新吏隱何心來對景  
化工隨意自留春

琅玕十丈籜龍孫已向梢頭散綠陰他日雪霜顏色好  
正緣外直內虛心

園蔬入市不論錢忍口休參玉版禪留得新梢過舊榦  
清風六月亦蕭然

小鳧

母雞伏得兩鳧雛馴食庭除不待呼水浴泥行隨分足  
不知鷗鷺有江湖

蛙聲



官蛙不問雨兼晴閣閣無端聒耳鳴對客自誇聞鼓吹  
稚圭此語豈真情

勸農出郊三絕

小煩脚力上崔嵬意為仙翁特地來只有白雲藏古洞  
不知黃鵠幾時回古仙洞

桃花一笑弄春晴布穀瀾翻亦勸耕十雨五風蒙帝力  
願同父老慶秋成勸農

邊頭萬馬似雲屯準備秋風壓戰塵何日將軍收虎帳

道旁築屋免勤民

馬驛

出郭視田訟三絕

撥置文書小據鞍  
舉頭歷歷見青山  
老農指點黃雲好  
為駐雙鳧一解顏

木末鷓鴣相應鳴  
路危笑我不能行  
湖光淺綠山容碧  
頗覺心清境亦清

草生棄地沒牛深  
豈是膏腴畝一金  
野老雙蓬俱半脫  
尚憑蝸角起爭心

寬李尉白犬

長安少年好狗馬日日遨遊五陵下八尺騰驤行地龍  
突過無前追疾風一箭穿空兩鷗墮尚挾白羽腰駢弓  
回鞭更踏南山路射殺山中白額虎却解重環四尺獒  
快逐豐狐搜狡兔獵罷歸來喚歌舞醜酒割鮮供笑語  
窮巷書生那有此毛穎陶泓守環堵老來無力跨寒驢  
少日青鞋只徒步何況平生非獵師何須有犬如韓盧  
青羶舊物猶在室吹燈未滅憂穿窬似聞黃耳雲來孫

豐顱拳尾雪不如從公覓取扞門戶主人高枕偷兒避  
和黃先卿即事五首

見說幽棲地長年只杜門誰知雙井後今有此公存釣  
月操蓮葉批雲卧竹根靜中觀物化畫外識乾坤

二

鴻鴈南隨暖璣衡北轉杓恐貧居自穩得句興偏饒藜  
杖難頻出蒲輪合見招惜無推轂手寂寞老漁樵

三

水落洲爭出天寒日易昏  
倦遊來異縣小隱住荒村  
鶴骨緣詩瘦雞膚借酒溫  
長鬚煩洒掃吾欲叩柴門

四

生理今何似豐年亦屢空  
有愁催髮白無樂駐顏紅  
歸計何時決詩家乃爾窮  
悲風吹葦木吾亦夢江東

五

此客來湖上驪珠照北垠  
山林成獨往風月許誰分  
寂寂無波井悠悠不雨雲  
莫年詩更好何止掃千軍

題巴陵宰鄧器先北窻

權利炙手熱爭道俱着鞭雞鳴已盤榔日莫未息肩中  
宵一假寐夢想游釣天達人袖手觀方寸常超然冰壺  
不受暑凜凜含清寒消搖北窻下俯仰宇宙寬千詩句  
有眼一曲琴無絃開尊對白墮拂榻飽黑甜功名不挂  
念氣定神自閒淵明亦一出未倦飛已還我常疑若人  
本不欲閉關漫任今墨綬閱世垂蒼顏卷舒各有時隱  
顯皆足賢先正文昌丞玉立四近班風流被後昆世以

忠孝傳丹宸新月黃圖舊山川故家喬木高義氣許  
國堅前賢經濟心不在軒冕間才猷時所須何得無衷  
言高枕恐未穩鳴珂終小騫煌煌漢元侯事業光青編  
用元韻寄周推蕭法

隔岸好山羅數峯遶簷脩竹添深叢雲溪有此兔一窟  
將雛德曜隨梁鴻一飢難忍出謀食志鬱不伸成怪松  
彼美溢城二君子昔未識面先聞風一如龍媒氣深穩  
不驚捷徑行忽忽管城之外別用志懶哦五字吳江楓

動中養定自有道鬚豈不白顏甚紅一如鸕雛出丹山  
律呂節奏藏於胸即之肅肅又盎盎意在寥廓觀鴻濛  
蹢躅勃窣我何者亦許附在交游中少時浪迹鹿在藪  
垂老能言鸚入籠心官鄙吝如膩垢見此水鏡一洗空  
霏霏伏雨濕楊柳滴滴寒露凋芙蓉日月逝矣足可惜  
夢魂不入槐安宮破甃暖浪侵浮蟻小鼎生烟明宛虹  
為公更作商聲歌朔風慘淡吹葭蓬精金美玉有定價  
嘆息鉅眼無坡翁



用元韻答汪廣文

十丈花開玉井峯，藤蘿亦附濯木叢。  
可憐浮食不根着，南北羈旅如燕鴻。  
倦飛欲返返未得，夢魂時遶三徑松。  
故人相見發孤笑，執熱一濯清穆風。  
小傾家釀歌驪駒，有懷未吐行怱怱。  
山寒不開北枝梅，地遠誰樹南荆楓。  
欲談此意無為領，撥灰消盡麒麟紅。  
未免隨俗且折腰，薄以今古澆其胸。  
六經之澤溉萬世，譬如畦稻宵露蒙。  
陳言有味可涵泳，環堵差勝朝市中。  
退之一賦吾未許。

二禽雅意豈願籠乘軒執珪何有哉日光熠熠塵飛空  
由來賢達多下位高原不解生芙蓉龍魚仙伯妙此理  
垂雲小憩來儒宮洞庭湘山入詩句借與光彩勝赧虹  
百聞不及一見面獨對霜月搔飛蓬清光何事亦多闕  
試為問之修月翁

用元韻答鄧宰兼簡華容孟宰

我行六六黃山峯山中瑤草多芳叢浮丘笑我無此骨  
倏然飛去如孤鴻隨流遂轉水上萍失地更屈澗底松

絕憐挂笏頻看山未免舉扇一障風長沙三歲坐兀兀  
洞庭千里來忽忽擁衾時作故鄉夢寒鴉無數啼丹楓  
繭絲未辦竟何補強飯空耗桃花紅巴丘健令工製錦  
况有奎壁星羅胸明月璀璨堆我前老眼照開春霧濛  
西寄華容雙鯉魚欲挽淵明來社中頗聞餘事戲毛穎  
亦舞玄蛟蒙碧籠心雖入俗不受塵出岫白雲行太空  
蒹葭四澤風露冷有此美德如芙蓉尋幽或訪墨山寺  
弔古可賦章華宮何時再揖兩鳧仙共喚麴生行偃虹

無邊湖水似少海一點君山疑小蓬城南老樹無恙否  
頻渠試為呼回翁

用元韻荅徐尉

于越亭亭羊角峯下有團團桂樹叢何人為賦反招隱  
虞羅亦曾碣石鴻學詩妙處如學仙功成換骨參喬松  
肯來洗我箏笛耳縈絲古曲彈南風喜君到此極疊疊  
惜君去此尤忽忽百年莫作千歲調試往一看楓橋楓  
湘山幸有數斗酒江蟹肥大霜橋紅梅仙陶令連兩壁

得酒可澆丘壑胸漁蓑風月笛三弄虬龍起舞凌空濛  
馮夷不得闕此境湖山收入奚囊中沙寒往事有銅鏃  
波穩清時無水龍人生所須行樂爾嗟我愁絕逃虛空  
已悲朽質悴蒲柳豈解巧笑開芙蓉青燈照牖似書舍  
素琴挂壁疑僧宮懸知堂上一杯水難飲天邊千丈虹  
大用自當擁金蓮小用亦合登少蓬騰身雲路五千里  
定笑白鳧成老翁

和許尉小洞庭韻

古縣周遭臨水涯中有勝地藏幽竒向來墨綬不領畧  
付與漁樵輕棄遺我乘蒼螭上其頂憑高小築誅茅茨  
未能隱去學魯山且可尋幽如退之炊烟百堵共一市  
民氣稍稍春臺熙至尊豈為繭絲計老令恨無桃李蹊  
解衣一浣三年緇微風碾碎青琉璃魚龍悲嘯吹白浪  
煙靄吐吞蒙翠微湖中一點小君山誰琢瑤琨圓中規  
朱絃一曲舞馮夷凌風駕我雙鳧飛遠喚古仙笙鶴來  
月寒共醉玉東西天高可逐霞佩去兒女牽衣吾未宜

一官偃僂百僚底蒼髯欲雪將何為徘徊在此為五斗  
時亦諷誦淵明詞茲亭信美非我有夢遶故園還欲歸

再用元韻

少時耕釣為生涯早知臭腐空神奇一丘一壑有佳處  
人棄我取如拾遺晚將數雞就斗食非願厚祿多如茨  
山林習氣今尚在前身疑是王獻之君王垂拱似虞夏  
朝野多暇時雍熙公庭日晡見鶩散屐齒小穿山徑蹊  
隱仙一見即首肯百鍾索酒傾琉璃湖山亦為開畫笥

烟霏空翠俱熹微  
幼輿風度極灑灑  
計然策畫徒規規  
蒼松奮鬣倚風嘯  
候鴈張羽粘天飛  
君山洞庭日在眼  
不復引領巴丘西  
急呼泓穎共著語  
境勝頗與詩相宜  
詩成却憶梅子真  
烏用一官黃綬為  
江頭誰是吹笛叟  
為公度此瓊瑤詞  
喚起羣龍出平湖  
屬渠扶柂從東歸

和吳秀才二絕

楮幣半千米一斗  
聊為逆旅之費割  
俸故不能多承  
惠佳句敬用元韻  
成兩絕丐一覽



句法洪徐可逼真摩挲老眼見斯人憐渠袖有釣鰲手  
要試虹竿欠李紳

世人相馬苦嫌瘦誰識龍媒氣逸羣歸傍青燈對賢聖  
漢庭射策待方聞

送相士管明甫

嵐光野色共扶輿見說壺天氣象殊疊巘吞雲圭角露  
寒泉觸石篆文紆荒涼佛屋存遺像窈窕仙宮有別區  
何日青鞋親扣歷細評佳致染松腴

臞仙窟宅獻幽奇付與藍田煅鍊詩佳處盡從公指出  
勝遊應笑我來遲品題泉石非無意依約烟霞未有期  
獨幸胸中丘壑在不須目擊始心知

右清水宮

老南蛻骨幾何年揖客支郎謾曲拳本自心清無染着  
豈因境靜息攀緣我行不值揮犀語公到惟堪掃榻眠  
尚有詩魔降未得不禁物色巧勾牽

未聞衲子着深功但見龍孫送好風尊宿尚留雙塔在

衆丘皆讓一山雄  
禪闕暫到何須住  
法窟雖深豈用窮  
若問如如心自在  
夢魂不入大槐宮

右黃龍山

和陸簿九日二首

西風拂面飲微酣  
小摘茱萸手自簪  
極羨酒兼詩共好  
正緣人與景相參  
杜門不復貪游賞  
落帽無由際劇談  
嘆息登高兄弟遠  
目隨鴻鴈過天南

風露蕭蕭葉半黃  
老來情薄似秋陽  
一樽冷落思佳客

九日淒涼在異鄉採菊何心追靖節哦詩無語答仇香  
危臺戲馬今安在休惹清愁攪石腸

喜晴行呈陳宰

秋盡黃雲漲南畝修我困倉築場圃不堪雨脚如懸麻  
坐見禾頭欲生耳令君意與神明通爐熏未斷來天風  
吹開六出花數點轉盼杲杲扶桑紅日下烏鳥聲亦樂  
村北村南爭刈穫白酒香浮老瓦盆樵歌緩扣烏犍角  
有客攜家來受廬豐登未見如今年老農扶杖策相語

只恐雙鳧朝日邊

陸簿生日

冬令始嚴肅淑氣回晏溫簾幃映瑞色見此天上麟蒙  
羽有再來機雲定前身清標入黃綬胸次不受塵洗玉  
酌流霞眉間喜津津飛龍御天位喬木思世臣功名固  
自有難得惟青春

溪上晚步二首

山靜色不改溪深流自遲緩行聊寓目小立却支頤樵

斧寒尤響漁舟晚更移老夫無伴侶  
耜子獨追隨

二

風定留黃葉波清湧白沙前山惟道院  
斷岸半漁家老去忘時事閒中度歲華  
經旬如再出便可探梅花

宋可挹挽詩

萬卷藏書富千金市義多斯人今止此  
造物意如何風月空投轄烟波冷  
瞭叢林間誰挂劍清淚墮悲歌

用十梅韻荅馮簿

今代馮野王聲滿東海濱可敬亦可愛溫然氣如春綠  
綺絃朱絲為我調白雪此亦公緒餘所長兼五絕嘗試  
評公詩崖岸極孤絕同僚筆可焚後學中宜折清真去  
邊幅明白傾底裏枳棘見鸞凰十倍跖然喜講道師友  
少稽古編簡殘何以起斯文念之心為寒銀鈎入翠珉  
文字本膚淺以書不以辭恃此或行遠人品如許高不  
卑一官小居之以廉勤王事豈難了霏霏玉塵談鄙吝  
堪凜雪每見輒有聞敢憚頻磬折道本無垢淨境自有

喧寂願聞禪說中何以得真實黃門執戟翁晚乃薄詞  
賦我宜草玄文未必知妙處

和何應辰過山谷墓韻

何年馬鬣埋玉樹上有喬木清風寒琳瑯金薤落四海  
萬象頓挫隨毫端追攀前輩豈無意偶來弛擔鳴珂里  
生恨與公相後先臨風三嘆不能已論詩誰解鍼膏肓  
人間今日無黃香經過一酹尊中碧明月灣頭山闌寂

新晴出溪上因訪王伯明詹望之



萍轉滯巖色簡出而深居兒輩不自量妄意游壁池日  
占烏鵲喜不寄黃犬書積雨蒸溽暑客思鬱不舒新晴  
一散策消搖滌煩紆意行入幽徑籬落相蔽虧竹萌出  
鳳尾瓜蔓纏龍鬚物化日夜流嗟我方棲遲莫受憂患  
煎素髮無再緇扣門謁二友清坐俱久如莊語間善謔  
相視一解頤靜窺勢利場疾足爭驅馳自念甘斂退非  
點仍非癡茗乳泛輕雪爐熏駐游絲且勿談世事揮犀  
聊說詩

用元韻答詹望之

隨牒久浮食弛擔來卜居鶴鷄一枝足不羨飛天池盥  
濯朱墨手拂蠹理故書識字非子雲下帷慚仲舒第喜  
官情薄未解歸思紆對境有喧寂即理無成虧動以靜  
為根輪梃常相須捷徑易傾覆夷途固逶遲巷南有塵  
隱白玉不受緇熟視眉睫間容色常穆如伯仲吹篪塤  
北堂奉期頤時亦踏街塵意馬不外馳見我床頭易信  
我殊不癡喜言雖溢美老眼眩色絲相期到妙處不止

奚囊詩

溪上尋梅不遇

玄冬用事禿千林  
蓓蕾凌寒瘦不禁  
已喚蒼頭斲臘脚  
未逢玉頰吐春心  
客居避俗遨遊少  
老境看花感慨深  
屬付綠衣歌舞地  
吹香一笑慰幽尋

寓居分寧去故鄉千里不歸者二年  
思念松楸  
成長句

曖曖風日暖  
林薄皆蕃鮮  
好鳥仍嘯歌  
晚花亦嫣然  
問

之此何時春莫將禁烟家家饌觴豆拜掃墟墓間飛鳴  
烏攫肉叢木挂紙錢而我獨不樂慨然坐長嘆開編不  
能讀當饋不能餐豺獾尚有祭誰忍忘其先念為貧所  
驅隨牒二十年少壯不可留覽鏡將華顛空慚北山移  
未表南陽阡闔門有百指負郭無一廛坐此客異鄉歸  
思空纏綿憶昔初筮仕吾母猶朱顏三釜不及養遽悲  
蓼莪篇侵尋歲月久百感難具言傷心思宰木清淚如  
流泉狐死必首丘古人亦重遷况我雖宦游十世家星

川親朋日在眼可以相周旋  
土風有不同客意終未安  
花落草淒淒青山啼杜鵑

即事六絕

焚香清坐對韋編妙處懸知不可傳  
三畫分明寄玄旨  
誰將脩綆汲深泉

半生飄泊將雛意百感淒涼舐犢情  
露電終非真實相  
彭殤何者是長生

布衣蔬食且隨緣睡起時參柏子烟  
欲倚繩床拈白拂

何人真解意中玄

了無俗駕到蝸廬  
隱几閒翻貝葉書  
屬付蒼頭休洒掃  
綠苔隨意上階除

拂拭青奴供晝眠  
半晴半雨釀愁天  
夢回不到南柯境  
風過綠陰號晚蟬

孫竹新添綠玉枝  
穉禽學習遠簷飛  
動中會取歸根意  
雨過白雲橫翠微

遊南山寺題澹軒

雲根露竒怪上有青蓮宮軒窗極淨麗疑入懸壺中凭  
檻俯寒流披襟納清風跣趺坐少定滯念冰雪融人生  
蟻旋磨世故鳥印空道眼一回光味與嚼蠟同此意誰  
為領白雲橫遠峯

用元韻荅麟老

登臨倚木末下瞰魚龍宮我方解墨綬着身丘壑中翻  
然一清游飛舄可御風前瞻鳳山尾老衲如懶融見處  
詣實際非色仍非空笑我蠟屐行亦與玩物同燕坐不

出門心游妙高峯

再用元韻荅麟老

七閩名家子祝髮隱梵宮  
碧海掉尾鯨不墮世網中  
熏爐起香霧棧拂生清風  
寂寂枯木巖中有春意融  
杖屨厭山水習氣一洗空  
違俗非崖異入俗非雷同  
乃知行市塵宛如坐孤峯

述懷三首

久客二年半故鄉千里餘  
兒曹穿草屨老子挂柴車  
世



事杯中物生涯篋裏書一塵何日辨衰晚憶吾廬

二

宦薄因謀拙心安任數竒功名半幅紙權利一鈎絲已  
作絡頭驥殊慚曳尾龜暫時深袖手風月話襟期

三

百指久轉食一身今倦遊事無非墮甌心本是虛舟儻  
不嘗艱阻渠能寡悔尤管城雖解語懶賦畔牢愁

次韻荅熊朝英

杜門燕坐閱黃庭道在靈臺莫與京少日忍貧五志得  
莫年為吏此身輕始知軒冕有塵累不似山林無俗情  
絳帳先生應撫掌南箕北斗只虛名

再次韻

秋風相挽出門庭東望雲邊白玉京婚嫁自嗟何日了  
利名誰信本來輕揮毫為我光行色傾蓋知公不世情  
文字清新有如此底緣淡墨未題名

勝賞亭

路入三家市墻園十畝園雲山如畫出人住小桃源

贈郭相士

兩眼明如月江湖度十春問誰當非貴笑說未逢人

雙溪類稿卷五

欽定四庫全書

雙溪類稿卷六

宋 王炎 撰

古律詩

和祝聖予送行韻

少年困襁褐妄意取圭組徒為出岫雲不作潤物雨三  
年葭葦叢鳧舄墮江許憂患鬢先凋驚呼髀空撫過期  
釋重負揆日趨在所投簪誠未能束擔亦良苦漢庭士  
冀北不可一二數顧我寡平凡辱君誤推許皇明照百

工天高日亭午海嶽雖兼受涓埃諒無補汲汲為身謀  
人生幾寒暑軒冕既儻來金璧又難貯試看轅下駒何  
如黃鵠舉莫待婚嫁了徑為松菊主大隱在城市高人  
戀衡宇相期數過從脩綆同汲古

次韻孫居易送行

着鞭欲為功名起椎鈍不堪加礪砥感君雅意重金玉  
餞我新詩粲桃李我於吏事非清通向來妄意圖民功  
本無仁心致三異豈有遺愛留一同鬢毛斑白眼昏黑

身外榮枯從造物，恥攜奏牘到公軍。千慮懸知無一得。

陳宰生日

花枝點綴深淺紅，溪山二月春融融。琴堂清曉氣葱鬱，躡鳧此日來仙翁。姓名已久書絳闕，骨相元自居紗籠。君王厚下為保障，郎宿垂光臨一同。兩行吏立薄冰上，四境人行明鏡中。三年妙手巧製錦，藉甚治聲聞九重。桃李陰邊共歌舞，勸君飲盡玻璃鍾。著鞭由此登要路，推轂豈必由諸公。未教曳履侍文石，亦合戎豸乘花驄。

中堂朱紱映綵服瑤池無日無春風摩挲銅狄閱人世  
何止他年方兩瞳

和王宗禮送行韻

羊腸官路困躋攀為米低頭亦厚顏尚欲束裝趨帝闕  
未能畫室返家山青雲新貴爭先進空谷幽人去不還  
我獨行藏兩無取狐疑丘壑市朝間

和陸簿韻

士龍才氣極超然奕奕家聲見象賢慣學詩翁歌白雪



懶從舉子選青錢三年小試淹巖邑千里來歸近日邊  
流落倦遊吾老矣看公騰踏上凌烟

和黃子山韻二首

三年涇縣積憂虞幸脫拘囚氣始蘓已愧淵明辭五斗  
尚晞瞽叟住三吾潛心道義須加進垂世功名莫浪圖  
前日趨營今斂退看人高步上天衢

閉門聖域妙鈎深霧豹文成照士林顧我一生求勝已  
與公數面可論心睽蒼溪上今陳迹嘯白堂中久絕吟

雙井獨為風月主  
欣聞綠綺奏遺音

用元韻答徐幼文

身行官路固多虞  
夢到清都厭積蘇  
欲返初心觀易老  
懶開辯口學巖吾  
有懷擬作西征賦  
無策堪陳北伐圖  
才具如公宜穎脫  
不應空谷老唐衢

學道工夫要汲深  
塵生塵尾坐書林  
何妨緩步時過我  
試共玄談一洗心  
翠岫遶溪雙鷺下  
綠陰覆屋亂蟬吟  
是中別有無聲句  
莫笑遲遲不嗣音

謝黃子山賀得孫

侵尋及頽齡憂患催霜鬚是身如老木枯枿生孫枝自  
念非逸少屈指無七之日願穀豐下今見鳳有兒安得  
壽喬松及渠成立時追念十年事欣戚更乘除瓜葛自  
延蔓葭莩相因依賴此一雛生兩家釋猜疑飛鵲遶屋  
鳴織翠來華裾相視一粲然英詞出瓊琚醴甘不醉人  
湯餅浮銀絲只欠解語花遏雲歌此詞知公本惜飲嘗  
試覆一卮因之酌梅塘騎鵲何時歸

和麟老韻五絕

詩清雖為竹庵編  
禪妙元從佛眼傳  
用處縱橫能殺活  
匣藏不肯試龍泉

清如野鶴有仙骨  
閒似片雲無俗情  
試問老人那得病  
定應金粟是前身

客塵悟了息攀援  
萬事虛浮一聚烟  
挂佛壁間趺坐穩  
遶簷翠柏解談玄

白雪蒙頭卧佛廬  
筆端亦解世間書  
無情安用詩陶寫

有病何須藥破除

居似鷦鷯巢一枝意如倦翼怯高飛尚憐身是他鄉客  
夢遶松楸賦式微

王倅成老挽詩二首

未俗輕浮甚斯人有古風持身無表襮為吏極清通學  
似武平一仕如張長公龜趺宜篆刻潛德照無窮

二

珠玉山淵潤仁人久里居低徊嘗結綬強健即垂車長

厚皆堪法循良亦可書惜哉懷遠業小試只題輿

和陳丞彥能韻已上並分寧所作

東山林壑自盤旋健步翩翩似壯年退不求名如避世  
清而寡欲可成仙懸知身外渾無事不羨壺中別有天  
珍重與君頻問信二松遺愛滿脩川

方漕躬明挽詩三首

行蹤留吳會神州久陸沉君王經遠志臣子復讐言心慄  
慨披丹悃褒嘉拜玉音騎箕何太速有識共沾襟

二

吳蜀蜂腰勢荆襄控上游羣公無遠慮天子有深憂此  
事須成筭何人更熟籌黃圖三輔近北望不禁愁

三

一節方將指千兵競力耕江淮如富實河洛可經營許  
國忠誠切謀身寵辱輕空遺今日恨公論付臺評

謝江潭諸公

相逢一解頰款曲吐肺腑主人愛敬客童孺亦呼舞擊

鮮倒家釀花枝照樽俎善謔時絕倒惜飲亦徑醉十年  
一會面此身幾寒暑不見即相念臨分無可語翰墨要  
淘練飲食謹調護行役今何時天寒歲將莫故鄉松梓  
荒他鄉寓兒女豈不念之深祇覺丹心苦天機馬出塞  
人事狙賦芋都門桂玉地久客憚羈旅東風染春紅歸  
程涉溪澗經過不厭數弛擔更少住禮簡情乃真惟宜  
具雞黍

題童壽卿博雅堂



會道莫如約要識胸中真講學亦貴博不廢紙上陳王  
充與李邕世豈無若人中秘未許見市肆何所聞童君  
家多書乃為我輩慮安用蓬萊山萬卷皆聚此又復附  
益之秦碑及周鼓剡溪來楮生歛穴會石友持此分雅  
俗清渭映濁涇不賄屋自潤無爵身亦榮好事時相遇  
不憚倒屣迎揮塵言有味寂如無市聲孰如漢中郎孰  
似楚左史孰能誦亡書孰解作奇字是中猶淵海隨取  
即隨有或問賈幾何還可商度否掀髯笑謝客吾非鬻

書叟

題秋山圖

我本山中人築室依澗岡世故驅我來緇塵滿衣裳見  
此山中景我思更深長老樹何離離瘦石何蒼蒼借問  
此何時天寒鴈南翔西風有搖落蘭桂含幽芳

題遠山平林圖

山色微茫疑有無木葉半脫殊蕭疎雲根更著數椽屋  
此屋當有幽人居墨妙逼真乃如此畢竟非真惟近似

何如屐齒飽經行是處溪山皆畫筭  
還君圖畫吾且歸家在江南依翠微

題潮山海門圖

已上四詩為童壽卿作

潮來濺雪欲浮天潮去奔雷又寂然  
海上兩山元不動更添此意畫中傳

送許士龍秘校

南山霧豹隱北海風鵬飛顯晦不在人  
屈伸各有時之子後來秀躡屩飄長裾  
俗眼變青白論士相目皮父執

謝良齋片言借吹噓聞君方遠游行李將何如食梅不  
免酸彈缺不免悲易盡床頭金難浣衣上緇白髮倚門  
望豈宜去庭闈林烏能反哺人亦稱其慈勿徒走跋跋  
而更歸遲遲志定學始進身臞道方肥譬如汲深井脩  
綆斯得之持此為親祭玉潤山含輝苦言當贈策申以  
南陔詩

題韋同年聚遠閣

此以下臨江所作

塵蒙萬家中 有壺公天鵬飛倚空翠吞納無中邊江

遠益淵回山遠益清妍雲霞之斂散竹樹之芊綿羽鱗  
之翔泳舟車之往還物色四面來輸入簷楹間境遠心  
亦遠意將隘人寰我嘗觀洞庭水與天相連流光浮玉  
鏡萬象皆包涵又嘗登天柱衆丘如髻鬟孤鴻滅沒處  
寓目行中原蓬轉墮江城此身縛微官今代韋表微懶  
着進取鞭尚記千佛名亦許時扣闕自疑脫凡骨揖此  
樓居仙江山開畫笥使我思悠然是中有真趣可得不  
可傳客至勿揮塵但與浮觥船

送房陵倅韋同年二首

白玉難求市青雲  
緩作程小煩乘別駕  
遠去護邊城  
斥堠烽烟冷  
譙門鼓角清  
採桑遺戒在  
約束要堅明

二

德齒皆兄我曾聯  
淡墨名揮犀方晤  
語浮鷗又催行  
今日惟橐矢  
何人更請纓  
戰塵猶未息  
北望若為情

贈輪上座

念舊今歸楚  
尋師久入吳  
有緣依梵釋  
何事走江湖  
休

問傳心印當先覓髻珠直須言語斷方不墮凡夫

寄蔣主簿

并簡劉判官

過我匆匆去難淹長者車歲華今又晚官況近何如不  
是無才具渠憂少薦書因君問公幹久不寄雙魚

用元韻答劉判官

解后章江上知從五馬車君才猶未用吾老更馬如閒  
濶思眉宇殷勤得手書喜聞衣綵樂入饌有江魚

用元韻答戴簿

綠衣隨宦牒綵服侍安車問齒君方壯論才我不清  
新哦五字博洽貫羣書尚肯求龍尾容交華子魚

用元韻荅蔣簿

北去方休駕西行又出車身勞雖僕僕心靜自如儻  
得重揮塵全勝數寄書詩來驚老眼筆力掣鯨魚

蕭參政挽詩二首

正學無阿世危言不顧身旁觀多側目獨立屢撻鱗八  
葉均衡後三朝柱石臣晚方陪國論終不盡經綸



二

東府纔登用南園即退藏不欺身自正無欲氣能剛士  
共悲梁壞朝應惜鑑亡戚孫宜有後世出甲科郎

送施宣教

施叅政子

翩翩貴公子和氣如春溫傾蓋一晤語肯吐胸中真江  
頭雨新霽浮鷁波鱗鱗騎鳳吹玉簫歸歟覲慈親我老  
無所營君方富青春後會未有期人來時嗣音毛穎二  
十輩深衷致殷勤助君賦子虛高飛到青雲

和吳夢授韻

卷舒有道在隨時隱約何須感慨為末路老夫甘退縮  
華途吾友尚驅馳準繩行義當趨正洵練文章自出奇  
舉世豈無人具眼未應終不貴和隨

題徐秘校達軒

洙泗之學心為宗以心會理俱圓融皎如日月猶有蝕  
豈可講習無深功仲祥家自有師友箇中嘗指入門否  
磨礪浸灌更覃思道不外求皆我有靈臺四闢如八窓

面面高明悉通透此道周流無定名此心微妙無定形  
知隨物誘心失位思而不達空營營為君再下一轉語  
敬以攝心思乃精

壬子春羅端長贈別

憶昔始相識公歸自中都時方擢上第綠髮青衫紆論  
交兄弟間意氣和笙竽瓌文得要攬快語相為娛一別  
間何濶流年走暘烏高情自浩浩風骨乃仙癯顧我蒲  
柳姿雪霜凝鬢鬚回思鴻雁行淚落衣袖濡相逢慰棲

遲此道評精麓稔聞充素蘊諸老推通儒又知治劇縣  
民瘼刪繁須清才為世用洗目亭天衢監州尚小試稱  
屈非超踰敏門喜重來新詩遺明珠傾倒念有陳草具  
陪觴壺自愧學不講議論無根株殷勤謝雅貺披索中  
腸枯壯志已愴恨俗情厭崎嶇正須心所欣日與鐫迂  
愚奈何復作遠攬袂還躊躇公猶寄異邦同是江南區  
但慮懷與安久客非良圖終當念墳墓速歸三徑蕪昨  
言亦云然歲寒勿盟渝

和王文州咏雪韻

老盡青青江上山  
漁蓑如畫過前灣  
玲瓏冰玉光相射  
點綴寒花意自閒  
甕面春風消寂寞  
爐中宿火護氈孱  
請君試跨白霓去  
鶴擎凌空我願攀

再用前韻

一穗香雲擁博山  
毛錐吸盡墨池灣  
詩如驪嶺生明月  
人似龍媒出帝閑  
洒落高情忘固陋  
崢嶸健論起衰孱  
蒼髯半雪吾休矣  
却怕飛騰不可攀

冬雪行并序

甲寅歲雖小稔縣官和糴米價遂增兩日雨雪市中  
貧民有無炊烟者艱糴反甚於去年之凶歎父老輩  
遂具公牘赴訴于庭因成冬雪行一篇其辭如古樂  
府其義則主文譎諫言之可以無罪者也

擁衾展轉夜不眠細數更籌知苦寒角聲未動紙窓白  
兒曹報我雪滿簷玉妃剪水出天巧飛花萬點爭清妍  
朱門貴人對之笑初見一白來豐年金甕玉爵雜蔬笋

飲罷敲冰煮新茗繡幃中有紅麒麟輕暖勝春尚嫌冷  
窮巷小家真可憐典衣糶米無炊烟江頭津吏日來報  
往往上流無米船縣官要糶十萬斛天上符移星火速  
去年秋旱糶陳腐今年秋熟米如玉且願扶桑枝上紅  
日轂東來却勝六今年冬雪民已懼明年春雪民更飢  
九關有路虎豹守欲語不敢空長吁

次韻荅簡簿

少日牛衣嘗熟眠老來駝褐不護寒欲呵龜手拈秃筆

怯看水柱懸疎簷東風不解着梅柳翻作六出欺春妍  
春回臘盡亦何好但為浮生添一年負郭有人如石笋  
雪裏哦詩自烹茗曾中盎盎有天和戶外蕭蕭尚冰冷  
日吹脫粟不自憐却念野廬無爨烟此憂未知可解否  
準擬為君浮酒船酒酣傾瀉珠百斛定覺揮毫轉神速  
聞道諸公雙眼青豈終遺此豐年玉倦游別駕老更貧  
自謀慚似龜藏六詩來謂我清而臞我方忍慾將忍飢  
短蓑歸釣寒江雪紛紛世事休嗟吁



題揚秀才園三亭

綉春

幽圃春風蕩漾時  
阿誰綉出百花枝  
春工不與人爭巧  
玉笋羞拈五色絲

見山

窓間酒榼與詩編  
窓外山光翠入簾  
山好要人能領略  
直須胸次似陶潛

移春

花邊春色可移來  
遠屋株株手自栽  
若要四時春不去  
更添秋菊與寒梅

和王文州梅花韻

何處東風發春早  
先傍梅花試天巧  
新陽一點破雪霜  
春意將回可前料  
天公乞我人日晴  
新年屈指將浹旬  
老懷不似少時好  
對花默默仍循循  
坐看流年如許急  
嘆息浮生駒過隙  
與花相見忍相負  
洗杯一醉樽中碧  
起來索笑巡疎簷  
愛渠清絕無中邊  
君侯肯為花吐句

麝媒洒落生雲烟花開花謝莫深問物有榮枯付天命  
聞道隴頭天正寒驛使不來無遠信可憐桃李品格低  
誰似玉肌蒙縞衣為花著語只如此更請健筆無停飛

題清江常宰道院

古人牧民如赤子今人臨民用笞箠孰知官府本無事  
獨恨庸人擾之耳臨邛有客腰銅章三年為吏先慈祥  
老農共說長官好桑柘陰中民小康公庭閒暇鴈鷺散  
燕坐胡床清晝長撥煩何自文書省治道由來貴清靜

不須柱下五千言  
洙泗六經無猛政

和周南吉二絕

才諳諸公爭汲引  
文高後學共儀刑  
相逢未覺功名晚  
鏡裏依然兩鬢青

舊遊追記岳陽城  
莫惜經過憩旆旌  
容易別離難會合  
為君重酌聖人清

題徐叅議畫軸三首

墨梅

酷似西湖處士詩雖無半樹有橫枝天寒地冷清癯甚  
故着緇衣護玉肌

赤壁圖

烏林赤壁事已陳黃州赤壁天下聞東坡居士妙言語  
賦到此翁無古人江流浩浩日東注老石輪囷飽烟雨  
雪堂尚在人  
不來黃鵲而今定何許此賦可歌仍可絃  
此畫可與俱流傳沙埋折戟洞庭岸訪古壯懷空黯然

歲寒三友

玉色高人之潔虬鬚烈士之剛可與此君鼎立偃然傲  
睨冰霜

題徐叅議所藏唐人浴兒圖

右相嘗慚呼畫師技癢仍復拈毛錐逼真誰作此贗本  
亦有妙意生妍姿中庭燕坐必主婦綠雲高髻香羅衣  
嫣然嬪妾左右侍前浴能言丹鳳雛娉婷及笄女公子  
素腕擁項相攜扶兩兩為朋四髻鬢乳盧隨逐相諧嬉  
掌中看珠二少艾捧顯却立鴉鬟奴屏間擁膝袖玉笋

疑是夢闌顰翠眉側身背面按箏者冰肌綽約不自持  
床前跪起各姝麗為兒理髮投涕洟有大爛斑受摩撫  
與人習熟無猜疑梳粧淡薄服製古如見永徽貞觀時  
若非侯家及主第人物無此美且都荆釵布襦小家婦  
生子不如山下麋

和潘判官送酒韻

由來高士憐麴蘖為有和氣如三春一朝驟見四從事  
使我頌德思伯倫官醅亦自有妙理風味不如家釀醇

掀髯杖拭玉荷葉消憂破悶還天真此公胸次有醞籍  
酒馨且旨如其人平生誤學獨醒客醉鄉有地堪藏身

和王宮教送酒韻

不肯獨醒如屈平要於酒國立詩城蒼頭滿挹鷓鴣杓  
中有春風習習生

和王宮教韻

六籍橫陳日醉心忍貧不肯問錢神旁人但見門水冷  
豈識胸中暖似春



送簡簿攝南康令

催科撫字意何如  
吏莫難於縣大夫  
游必有餘須小試  
若逢盤錯少躊躇

路入天南庾嶺根  
梅花落盡已春深  
中年氣體須調護  
莫受蠻烟瘴雨侵

向來倦客寓中都  
解后嘗瞻五馬車  
未敢匆匆致雙鯉  
煩君先為問興居

遊閤皂

竈白依然在翠微重重臺殿鎖雙扉可憐千載碧杉老  
不見兩翁黃鶴歸小倚脩篁飛玉子更升虛室奏金徽  
渺茫且置神仙事輸却清閒屬羽衣

陳張甘三道士和篇繼至用元韻併謝之

疑有幽人是少微支筇特地叩岩扉清風度竹邀人住  
暗水浮花送客歸鶴在青田違畢弋琴號白雪遶絃微  
明朝回首雲山隔撲撲紅塵又滿衣

題蒼玉軒

羽客家何在翠微有仙躅誰謂絳闕遠功行要純熟小  
築開壺天燕坐媚幽獨室中閱丹經簷外養脩竹竹清  
不受塵人清不受俗意甚珍惜之命名以蒼玉此玉可  
種不可餐檀欒秀色青於藍琅玕碧樹未足貴直節虛  
心同歲寒風前歷歷憂球磬雪裏珊珊鳴珮環他年化  
作蒼龍去紫霄直上追鸞駮

題李道士揖雲軒

獨酌樽中綠醕自橫膝上瑤琴笑揖白雲為伴愛渠舒

卷無心

題熊道士遊觀閣

伐翳旋開清曠樓居便覺超然注目青山有盡游心碧  
落無邊

題劉知宮愚圃三首

蝸角橫戈不解羊腸覆轍相尋爭似藏明納智淡然高  
卧山林

不羨蘇秦六印不貪范蠡千金身住神仙窟宅當無一

點機心

養性欲虛而一攝生欲靜而閒須信道如墻壁絕嫌心  
有機關

題乘槎

石溜涓涓遶屋流山居疑是小瀛洲星槎不渡銀潢去  
織女機邊客倦游

和壁間謝良齋留題

寥寥鶴駕人安在洒洒驪珠迹已陳見說仙家能拔宅

何妨乘此上天津

酬白雲張道士惠詩

不但學仙仍學詩  
年來古錦富珠璣  
却疑汗漫騎鯨李  
誤向天台訪子微

題楊解元壽萱堂二首

濟濟斑衣子  
怡怡白髮親  
紫萱偏得地  
玉樹解留春

二

冬夏勤溫清  
晨昏潔膳羞  
堂中人不老  
庭下草忘憂

除日出江上迓趙憲

江風獵獵吹客衣水生鱗甲舟行遲今年江上春信早  
剩有梅花開北枝問之今日是何日三百六旬當歲除  
翩翩鷗鷺定笑我欲得一飽甘奔馳二星移次照鷄尾  
繡衣持斧生光輝攬金伐鼓聲震動鷓首破浪開黃旗  
三宮萬壽帝出震周家磐石先諸姬外分符節用肺腑  
丞相與國同安危書生白頭不解事佐一小壘將何為  
少年側目望雲漢欲與鸞鳳俱翻飛草黃驥病絡頭老

自笑意行身不隨  
人生虎鼠在用舍  
未用以此相瑕疵  
兒曹婚嫁雖未了  
此心久與青山期  
天無老眼不可問  
哦詩莫作商聲悲

張德夫園亭八咏

梅隱

聞君家有十畝園  
竹踰萬箇花亦繁  
門楣大字扁梅隱  
要與梅兄同歲寒  
問君小隱亦何好  
脚踏風波身易老  
花雖不語解笑人  
似隱又非何草草  
破雪暗香先得春



青州從事如春溫  
女奴洗玉歌一曲  
對花舉酒成三人  
飲酣拔劍氣方怒  
汗浴神臯難北顧  
手提萬騎屬縶韉  
未可為梅空隱去

山堂

四顧盡臯壤  
此山何可無  
翠嵐侵戶牖  
瘦石出江湖  
靈運謾着屐  
宗文空畫圖  
釣鰲真有力  
移得一蓬壺

玉椽

萬箇龍孫長  
稍稍上半天  
清風長滿屋  
蒼玉總如椽  
秀

色到今日深根凡幾年宜封管城子濡首落雲烟

漁村

聞道江村好人家卷畫中持杯聽欸乃支策望空濛日  
落收疎網潮生繫短蓬君嘗詢訪否恐有陸龜蒙

兼遠

若人胸次中自有萬人敵胡不籌前箸時清偃金革婆  
娑林壑間亦自適其適凭高着胡床千里獻物色稻疇  
碁局方指數皆歷歷海山疑有無雲樹半明沒高懷安

在哉流目送鴻翼冷笈蟻蛭卑偏仄復偏仄淋漓呼酒  
徒揮洒延墨客不記訾家洲休賦雲夢澤何當從公游  
汗漫揮八極

橘渚

小插藩籬護洲渚當年手自種嘉樹春風吹出玉瓏璵  
水面霏微噴香霧蕭疎木落候鴈翔溥溥白露朝為霜  
木奴欲獻主人壽一夜纍纍千顆黃紫蟹螯肥鱸膾好  
釀就洞庭春色老蒼頭急走喚客來翠勺金壺同醉倒

山椒

百尺雲根老斑斑長綠苔幽尋穿窅窅遠眺步崔嵬地  
脉元無此人心亦巧哉千年湖底石幻作小飛來

可瑩

小鑿蒼苔破瀦為玉鑑平最宜孤月浴亦有白雲行須  
髮盡堪燭肺肝元自清微風莫吹皺虛靜即生明

題謝良齋畫筍四首

團蒲曲几自支頤領略江山入座隅若使右丞知此畫

定當閣筆輞川圖

萬點青山一曲溪門闌疑是辟塵犀筆端更有詩中畫  
細細冥搜為品題

熟視天機日日新無邊物色盡橫陳從教巧手工摹寫  
粉墨何能便逼真

玉軸錦囊無此景何年天巧出丹青良齋收得供詩眼  
勝看鸞臺十二屏

雙溪類稿卷六